

Na temelju člana 16. Zakona o upravi („Službeni glasnik Bosne i Hercegovine“, br. 32/02, 102/09 i 72/17), člana 49. alineja 8) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09), člana 7. i člana 12. Statuta Agencije za razvoj visokog obrazovanja i osiguranje kvaliteta Bosne i Hercegovine („Službeni glasnik Bosne i Hercegovine“, broj 86/09), direktor Agencije za razvoj visokog obrazovanja i osiguranje kvaliteta Bosne i Hercegovine, uz suglasnost Upravnog odbora sa 6. sjednice održane 03.10.2024. godine, donosi

**PRAVILNIK
O VOĐENJU DRŽAVNOG REGISTRA AKREDITIRANIH
VISOKOŠKOLSKIH USTANOVA U BOSNI I HERCEGOVINI**

I OPŠTI DIO

**Član 1.
(Predmet Pravilnika)**

Ovim pravilnikom se propisuje vođenje Državnog registra akreditiranih visokoškolskih ustanova u Bosni i Hercegovini (u daljnjem tekstu: Registar), izgled i sadržaj Registra, postupak upisa u Registar, način upisa, ispravke upisa, postupak izmjena i dopuna upisa, vođenje zbirke spisa, javnost Registra, osiguranje dostupnosti informacija o akreditiranim visokoškolskim ustanovama u Bosni i Hercegovini, izdavanje uvjerenja o upisu u Registar, te druga pitanja od značaja za uspostavljanje i vođenje Registra.

**Član 2.
(Nadležno tijelo)**

Registar iz člana 1. ovog pravilnika vodi Agencija za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija).

**Član 3.
(Značaj Registra)**

- (1) Registar predstavlja službenu evidenciju o akreditiranim visokoškolskim ustanovama i akreditiranim studijskim programima u Bosni i Hercegovini.
- (2) Na temelju podataka iz Registra, Agencija sačinjava Listu akreditiranih visokoškolskih ustanova u Bosni i Hercegovini i osigurava dostupnost informacija o akreditiranim visokoškolskim ustanovama u Bosni i Hercegovini, na način propisan članom 49. alineja 9) Okvirnog zakona o visokom obrazovanju u Bosni i Hercegovini (u daljem tekstu: Okvirni zakon).

II FORMA I SADRŽAJ REGISTRA

Član 4. (Forma Registra)

- (1) Registar se vodi u pisanoj i elektronskoj formi.
- (2) U pisanoj formi Registar se vodi iz dva dijela, u obliku dvije knjige formata A3, tvrdog poveza s tamnoplavim koricama, numerisane brojevima 1 i 2 u donjem desnom uglu. U gornjem lijevom uglu Knjige 1 i Knjige 2, latiničnim i ćiriličnim pismom, na tri službena jezika, velikim slovima, srebrne boje, ispisan je naziv „Bosna i Hercegovina, Agencija za razvoj visokog obrazovanja i osiguranje kvaliteta“, a na sredini korica „Državni registar akreditiranih visokoškolskih ustanova u Bosni i Hercegovini“.
- (3) Listovi Registra izrađeni su na bijelom, 100gramskom, mat papiru s numerisanim stranicama od 001 do 200.
- (4) Uputstvo za popunjavanje Registra nalazi se na prvoj unutrašnjoj stranici Knjige 1 i Knjige 2.

Član 5. (Sadržaj Registra)

- (1) U prvi dio Registra (Knjiga 1), upisuju se podaci o akreditiranim visokoškolskim ustanovama, i to:
 - a) redni broj upisa;
 - b) naziv, sjedište i adresa visokoškolske ustanove;
 - c) oblik vlasništva;
 - d) broj i datum akta o osnivanju visokoškolske ustanove i naziv tijela koje ga je donijelo;
 - e) broj i datum pravosnažnog/konačnog rješenja o akreditaciji visokoškolske ustanove, naziv tijela koje je donijelo rješenje i period važenja akreditacije;
 - f) broj i datum rješenja Agencije o ocjenjivanju usklađenosti rješenja o akreditaciji s normama i kriterijima iz člana 48. alineja 1) Okvirnog zakona;
 - g) broj i datum pravosnažnog/konačnog rješenja o zatvaranju visokoškolske ustanove i naziv tijela koje je donijelo rješenje;
 - h) napomene.
- (2) U drugi dio Registra (Knjiga 2), upisuju se podaci o akreditiranim studijskim programima akreditirane visokoškolske ustanove i to:
 - a) redni broj upisa s pozivanjem na broj upisa iz prvog dijela Registra (Knjiga 1);
 - b) naziv, sjedište i adresa visokoškolske ustanove koja izvodi studijski program;
 - c) naziv studijskog programa;
 - d) ciklus studija;
 - e) radno opterećenje studijskog programa izraženo u ECTS bodovima;
 - f) broj i datum akta o usvajanju odnosno odobravanju izvođenja studijskog programa i naziv tijela koje ga je donijelo;
 - g) broj i datum pravosnažnog/konačnog rješenja o akreditaciji studijskog programa i period važenja akreditacije;
 - h) broj i datum rješenja Agencije o ocjenjivanju usklađenosti rješenja o akreditaciji s normama i kriterijima iz člana 48. alineja 1) Okvirnog zakona;
 - i) broj i datum akt o prestanku izvođenja studijskog programa i naziv tijela koje ga je donijelo;
 - j) napomene.
- (3) Izgled Registra, sadržaj prvog i drugog dijela Registra s uputstvom za popunjavanje dati su u

prilozima ovog pravilnika i čine njegov sastavni dio.

Član 6. **(Elektronska forma Registra)**

- (1) U elektronskoj formi Registra upisuju se svi podaci kao i u pisanoj formi Registra za akreditirane visokoškolske ustanove i akreditirane studijske programe.
- (2) Elektronski Registar se sastoji od baze podataka i pratećih softverskih komponenti.
- (3) Pristup elektronskom Registru je ograničen na unutrašnju mrežu Agencije, te podržava autorizaciju i uloge u sistemu (administrator i operater).
- (4) U elektronski Registar se učitavaju akti izdani u postupku akreditacije predmetne visokoškolske ustanove ili studijskih programa u PDF formatu.
- (5) Elektronski Registar omogućuje generisanje uvjerenja, te izvještaja po svim parametrima unosa.
- (6) Svaki unos podataka u elektronskom Registru se bilježi u bazi podataka pri čemu se evidentira svaka promjena, vrijeme kada je izvršena promjena i osoba koja je promjenu izvršila.

III POSTUPAK UPISA U REGISTAR

Član 7. **(Upis u Registar)**

- (1) Upis u Registar se vrši na temelju podataka navedenih u zahtjevu za upis u Registar (Obrazac broj 1), pravosnažnog/konačnog rješenja o akreditaciji visokoškolske ustanove, odnosno studijskog programa koje donose nadležne obrazovne vlasti u Bosni i Hercegovini i rješenja Agencije o ocjeni usklađenosti pravosnažnog/konačnog rješenja o akreditaciji visokoškolske ustanove, odnosno studijskog programa s normama i kriterijima iz člana 48., alineja 1) Okvirnog zakona.
- (2) Prije upisa u Registar, Agencija vrši ocjenjivanje usklađenosti pravosnažnog/konačnog rješenja visokoškolske ustanove, odnosno studijskog programa o akreditaciji s normama i kriterijima iz člana 48., alineja 1) Okvirnog zakona, na način koji se uređuje posebnom Instrukcijom.
- (3) O upisu u Registar, Agencija obavještava nadležne obrazovne vlasti u roku od sedam dana po izvršenom upisu.

Član 8.
(Obavještenje o upisu promjene podataka u Registar)

- (1) U cilju održavanja ažurnosti Registra i tačnosti podataka koji su upisani u Registar, nadležne obrazovne vlasti, dostavljaju Agenciji obavještenje i odluku nadležnog tijela o promjeni podataka u roku od sedam dana od nastale promjene.
- (2) Promjena podataka se odnosi na sve dostavljene podatke iz zahtjeva za upis u Registar (Obrazac broj 1).
- (3) U slučaju da se promjena podataka odnosi na prestanak rada visokoškolske ustanove, odnosno prestanak izvođenja studijskog programa, nadležne obrazovne vlasti dostavljaju Agenciji pravosnažna/konačna rješenja o zatvaranju visokoškolske ustanove, odnosno akt o prestanku izvođenja studijskog programa.

IV NAČIN UPISA, NAČIN ISPRAVKE I IZMJENA I DOPUNA UPISA U REGISTAR

Član 9.
(Način upisa)

Upis podataka u Registar vrši se nebrisivom tintom upisivanjem podataka u odgovarajuće kolone i redove Registra. Podaci o svakoj akreditiranoj visokoškolskoj ustanovi upisuju se na posebnoj strani u Knjizi 1, dok se na posebnoj strani u Knjizi 2 upisuju podaci o akreditiranim studijskim programima.

Član 10.
(Ispravke upisa u Registru)

Ispravka upisa u Registru vrši se na taj način da se pogrešno upisani tekst precrta crvenom olovkom, a u slobodnom prostoru upiše ispravan tekst. Ispravku teksta ovjerava potpisom ovlaštena osoba, upisujući i datum izvršene ispravke. Listovi u Registru se ne smiju cijepati ili kidati.

Član 11.
(Izmjene i dopune upisa u Registar)

Sve izmjene i dopune upisanih podataka u Registar ovlaštena osoba vrši na osnovu obavještenja nadležnih obrazovnih vlasti i odluke nadležnih tijela, uz pismenu saglasnost direktora Agencije.

V OBJAVLJIVANJE INFORMACIJA O AKREDITIRANIM VISOKOŠKOLSKIM USTANOVAMA, IZDAVANJE UVJERENJA IZ REGISTRA I ZBIRKA SPISA

Član 12.

(Lista akreditiranih visokoškolskih ustanova)

- (1) U cilju osiguranja javno dostupnih informacija o akreditiranim visokoškolskim ustanovama u Bosni i Hercegovini, Agencija sačinjava Listu akreditiranih visokoškolskih ustanova koja predstavlja izvod iz Registra i koju redovno ažurira i objavljuje na svojoj internet stranici.
- (2) Ažuriranu Listu iz stava (1) ovog člana Agencija objavljuje najmanje jednom godišnje u „Službenom glasniku Bosne i Hercegovine“, i najmanje dva puta godišnje u trima visokotiražnim dnevnim novinama koje su dostupne na cijelom području Bosne i Hercegovine u pravilu pred početak prvog i drugog upisnog roka studenata.
- (3) Lista iz stava (1) ovog člana, sadrži sljedeće informacije: naziv akreditirane visokoškolske ustanove, sjedište ustanove, oblik vlasništva, datum osnivanja, period važenja akreditacije, podatak o zatvaranju visokoškolske ustave, naziv nadležne obrazovne vlasti, i sekciju napomena.
- (4) Najkasnije 30 dana prije isteka perioda važenja akreditacije visokoškolske ustanove navedenog u pravosnažnom/konačnom rješenju o akreditaciji, Agencija šalje obavještenje nadležnoj obrazovnoj vlasti i visokoškolskoj ustanovi o isticanju važenja perioda predmetne akreditacije, kojim se od nadležne obrazovne vlasti traži informacija i/ili odgovarajući akt o statusu akreditacije ustanove radi ažuriranja podataka u Registru.
- (5) Ukoliko nadležna obrazovna vlast dostavi Agenciji odgovarajući akt o akreditaciji ili odbijanju akreditacije ustanove, Agencija vrši izmjenu podataka u Registru u skladu sa članom 11. ovog Pravilnika, te ažurira Listu akreditiranih visokoškolskih ustanova u skladu sa podacima iz Registra.
- (6) Ukoliko nadležna obrazovna vlast dostavi Agenciji informaciju da je ustanova u postupku akreditacije te da se ne može donijeti odgovarajući akt o akreditaciji/odbijanju akreditacije, Agencija ažurira Listu akreditiranih visokoškolskih ustanova uz navođenje napomene pored predmetne visokoškolske ustanove „Ustanova u postupku akreditacije“.

Član 13.

(Uvjerenje o upisu u Registar)

- (1) Agencija izdaje uvjerenje o upisu u Registar na osnovu podataka iz zahtjeva za izdavanje uvjerenja o upisu u Državni registar akreditiranih visokoškolskih ustanova u Bosni i Hercegovini (Obrazac broj 2), koji mogu podnijeti sva fizička i pravna lica.
- (2) Uvjerenje o upisu u Registar sadrži sljedeće podatke:
 - a) naziv i sjedište akreditirane visokoškolske ustanove;
 - b) naziv akreditiranog studijskog programa, ciklus studija i dužina trajanja studija (ECTS);
 - c) redni broj upisa u Registar akreditirane visokoškolske ustanove, odnosno studijskog programa;
 - d) period važenja akreditacije.
- (3) Taksa za izdavanje uvjerenja o upisu u Registar naplaćuje se u skladu sa Zakonom o

administrativnim taksama i Naredbom o uplatnim računima za administrativne takse i naknade, koje se primjenjuju u institucijama Bosne i Hercegovine, a prema Instrukciji za uplatu takse za izdavanje uvjerenja o upisu u Državni registar akreditiranih visokoškolskih ustanova u Bosni i Hercegovini, koja je dostupna na službenoj internet stranici Agenciji.

Član 14.
(Zbirka spisa)

- (1) Za svaki subjekt upisa u Registar vodi se zbirka spisa.
- (2) Zbirka spisa subjekta upisa sadrži sve akte koji se odnose na upis, te akte o izmjenama i dopunama podataka upisanih u Registar, u skladu sa ovim pravilnikom.

VI PRELAZNE I ZAVRŠNE ODREDBE

Član 15.
(Stupanje na snagu Pravilnika)

- (1) Ovaj pravilnik stupa na snagu protekom roka od 60 dana od dana donošenja, a objavljuje se na službenoj internet stranici Agencije i u „Službenom glasniku Bosne i Hercegovine“.
- (2) Stupanjem na snagu ovog pravilnika prestaje da važi Pravilnik o vođenju Državnog registra akreditiranih visokoškolskih ustanova u Bosni i Hercegovini („Službeni glasnik Bosne i Hercegovine“, broj 91/11).
- (3) Agencija će uspostaviti Registar u pisanoj formi u roku od 60 od dana donošenja, a elektronski registar u roku od godinu dana od dana stupanja na snagu ovog pravilnika.

Broj: 05-02-2-579-1/24

Datum: 17.10.2024. godine

DIREKTOR
prof. dr Enes Hašić, s.r.

OBRAZLOŽENJE

I PRAVNA OSNOVA ZA DONOŠENJE PRAVILNIKA O VOĐENJU DRŽAVNOG REGISTRA AKREDITIRANIH VISOKOŠKOLSKIH USTANOVA U BOSNI I HERCEGOVINI

Pravna osnova za donošenje Pravilnika o vođenju Državnog registra akreditiranih visokoškolskih ustanova sadržana je u članu 49. alineja 8) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 57/07 i 59/09), članu 7. i članu 12. Statuta Agencije za razvoj visokog obrazovanja i osiguranje kvaliteta Bosne i Hercegovine („Službeni glasnik Bosne i Hercegovine“, broj 86/09).

II RAZLOZI ZA DONOŠENJE PRAVILNIKA

Članom 49. alineja 8) Okvirnog zakona o visokom obrazovanju u Bosni i Hercegovini, u okviru nadležnosti Agencije u području akreditacije, između ostalog navodi se da je Agencija nadležna za vođenje Državnog registra akreditiranih visokoškolskih ustanova, dok je članom 12. Statuta Agencije propisano da Upravni odbor Agencije daje saglasnost na provedbene propise koje donosi Agencija u skladu s članom 7. Statuta, u kojem su nabrojane i nadležnosti Agencije u području akreditacije. Pri izradi Pravilnika, u cilju jednostavnije primjene zakonskih odredbi, ugrađene su i zakonske odredbe o obavezi Agencije da vrši objavljivanje informacija o akreditiranim visokoškolskim ustanovama u Bosni i Hercegovini na svojoj internet stranici, „Službenom glasniku Bosne i Hercegovine“ i trima dnevnim novinama koje su dostupne na cijelom području Bosne i Hercegovine.

III USKLAĐIVANJE PROPISA S EVROPSKIM ZAKONODAVSTVOM

Pri izradi propisa nije bilo posebnih zahtjeva za usklađivanjem s evropskim zakonodavstvom budući da tekst propisa prati odredbe Okvirnog zakona o visokom obrazovanju u Bosni i Hercegovini, koji inkorporira zahtjeve visokog obrazovanja u skladu s ciljevima Bolonjskog procesa.

IV OBRAZLOŽENJE PREDLOŽENIH RJEŠENJA

Pravilnikom se propisuje vođenje Državnog registra akreditiranih visokoškolskih ustanova (u daljnjem tekstu: Registar), izgled i sadržaj Registra, postupak upisa u Registar, način upisa, ispravke upisa, postupak izmjena i dopuna upisa, vođenje zbirke spisa, javnost Registra, osiguranje dostupnosti informacija o akreditiranim visokoškolskim ustanovama u Bosni i Hercegovini, izdavanje uvjerenja o upisu u Registar, te druga pitanja od značaja za uspostavljanje i vođenje Registra.

U članu 7. propisan je postupak upisa u Registar, te uzimajući u obzir odredbu člana 49. alineja 7) Zakona, propisano je da prije upisa u Registar, Agencija vrši ocjenjivanje usklađenosti pravosnažnog/konačnog rješenja o akreditaciji visokoškolskih ustanova, odnosno studijskih programa s minimalnim standardima iz područja visokog obrazovanja i kriterijima za akreditaciju visokoškolskih ustanova.

U prelaznim i završnim odredbama propisano je da ovaj pravilnik stupa na snagu protekom roka

od 60 dana od dana donošenja, da se objavljuje na službenoj internet stranici Agencije i u „Službenom glasniku Bosne i Hercegovine“, te da stupanjem na snagu ovog pravilnika prestaje da važi Pravilnik o vođenju Državnog registra akreditiranih visokoškolskih ustanova u Bosni i Hercegovini („Službeni glasnik Bosne i Hercegovine“, broj 91/11). Dalje je propisano da će Agencija uspostaviti Registar u pisanoj formi u roku od 60 dana, a elektronski registar u roku od godinu dana od dana donošenja ovog pravilnika.

V KONSULTACIJE U IZRADI PROPISA

U izradi navedenog propisa korišten je jedan oblik konsultacija, i to internet platforma „eKonsultacije“, putem koje je omogućeno zainteresiranoj javnosti, organizacijama civilnog društva i građanima učešće u procesu donošenja pravnog akta, te osiguran pouzdan komunikacijski kanal za njihovo učešće u kreiranju javnih politika, putem interneta. Na osnovu prispjelih prijedloga i komentara unapređen je tekst propisa.

VI FINANSIJSKA SREDSTVA

Za provođenje Pravilnika potrebna su dodatna finansijska sredstva koja se odnose na izradu softvera za vođenje i održavanje elektronskog registra.

VII PREISPITIVANJE PRAVILNIKA

Preispitivanju Pravilnika pristupit će se u zavisnosti od njegove primjene u praksi, i eventualnih inicijativa nadležnih obrazovnih tijela u Bosni i Hercegovini.

Obrazac broj 1

Agencija za razvoj visokog obrazovanja i osiguranje kvaliteta Bosne i Hercegovine

PODNOŠILAC ZAHTEJA	
Nadležna obrazovna vlast	
Sjedište	
Adresa	
Kontakt telefon	
e-mail	

**ZAHTJEV ZA UPIS U DRŽAVNI REGISTAR AKREDITIRANIH
VISOKOŠKOLSKIH USTANOVA U BOSNI I HERCEGOVINI**

PREDMET UPISA	
<input type="checkbox"/>	VISOKOŠKOLSKA USTANOVA
<input type="checkbox"/>	STUDIJSKI PROGRAM

OPŠTI PODACI O VISOKOŠKOLSKOJ USTANOVI (obavezno popuniti)	
Naziv	
Sjedište	
Adresa	
Kontakt telefon	
e-mail	
Službena internet stranica	

Obrazac broj 1

Tabela 1 - popuniti samo u slučaju da je visokoškolska ustanova označena kao predmet upisa u Državni registar

VISOKOŠKOLSKA USTANOVA			
Oblik vlasništva	<input type="checkbox"/> JAVNA	<input type="checkbox"/> PRIVATNA	<input type="checkbox"/> MJEŠOVITA
Broj i datum akta o osnivanju visokoškolske ustanove	Broj akta:	Datum akta:	
Naziv tijela koje je donijelo akt o osnivanju visokoškolske ustanove			
Broj i datum pravosnažnog/konačnog rješenja o akreditaciji visokoškolske ustanove	Broj akta:	Datum akta:	
Naziv nadležne obrazovne vlasti koja je donijela pravosnažno/konačno rješenje o akreditaciji visokoškolske ustanove			
Period važenja akreditacije	Od:	Do:	

Tabela 2 - popuniti samo u slučaju da je studijski program označen kao predmet upisa u Državni registar

STUDIJSKI PROGRAM		
Naziv organizacione jedinice		
Naziv studijskog programa		
Ciklus studija		
Radno opterećenje studijskog programa izraženo u ECTS bodovima		
Broj i datum akta o usvajanju odnosno odobravanju izvođenja studijskog programa	Broj akta:	Datum akta:
Naziv tijela koje je donijelo akt o usvajanju odnosno odobravanju izvođenja studijskog programa		
Broj i datum pravosnažnog/konačnog rješenja o akreditaciji studijskog programa	Broj akta:	Datum akta:
Period važenja akreditacije	Od:	Do:

Obrazac broj 1

PRILOZI (navesti priloge) - u slučaju da je visokoškolska ustanova označena kao predmet upisa u Državni registar
Akt o osnivanju visokoškolske ustanove (obavezno)
Pravosnažno/konačno rješenje o akreditaciji visokoškolske ustanove (obavezno)

PRILOZI (navesti priloge) - u slučaju da je studijski program označen kao predmet upisa u Državni registar
Akt o usvajanju odnosno odobravanju izvođenja studijskog programa (obavezno)
Pravosnažno/konačno rješenje o akreditaciji studijskog programa (obavezno)

Datum: _____

Podnosioc zahtjeva

Mjesto: _____

Obrazac broj 2

Agencija za razvoj visokog obrazovanja i osiguranje kvaliteta Bosne i Hercegovine

Z A H T J E V

**ZA IZDAVANJE UVJERENJA O UPISU U DRŽAVNI REGISTAR AKREDITIRANIH
VISOKOŠKOLSKIH USTANOVA U BOSNI I HERCEGOVINI**

PODACI O PODNOSIOCU ZAHTEJA

Ime i prezime/naziv pravnog lica: _____

Kontakt adresa/sjedište (ulica, broj, grad, država): _____

Kontakt telefon: _____

e-mail: _____

OPIS ZAHTEJA ZA IZDAVANJE UVJERENJA

SVRHA IZDAVANJA UVJERENJA

☐ Nastavak školovanja (navesti državu): _____
☐ Zapošljavanje (navesti državu): _____
☐ Zapošljavanje u institucijama Bosne i Hercegovine
☐ Drugo (navesti svrhu): _____

UZ ZAHTEJEV PRILAŽEM:

Dokaze o uplati administrativnih taksi u skladu sa Instrukcijom za uplatu takse za izdavanje uvjerenja o upisu u Državni registar akreditiranih visokoškolskih ustanova u Bosni i Hercegovini.¹

Datum: _____

Mjesto: _____

POTPIS PODNOSIOCA

¹ Osim u slučaju da je stranka oslobođena plaćanja administrativnih taksi, na osnovu člana 13. i 14. Zakona o administrativnim taksama („Službeni glasnik Bosne i Hercegovine“, br. 16/02, 19/02, 43/04, 08/06, 76/06, 76/07, 03/10 i 98/12).

BOSNA I HERCEGOVINA, AGENCIJA ZA RAZVOJ VISOKOG OBRAZOVANJA I OSIGURANJE KVALITETA
BOSNA I HERCEGOVINA, AGENCIJA ZA RAZVOJ VISOKOG OBRAZOVANJA I OSIGURANJE KVALITETE
БОСНА И ХЕРЦЕГОВИНА, АГЕНЦИЈА ЗА РАЗВОЈ ВИСОКОГ ОБРАЗОВАЊА И ОБЕЗБЕЂИВАЊЕ КВАЛИТЕТА

DRŽAVNI REGISTAR AKREDITIRANIH VISOKOŠKOLSKIH USTANOVA
U BOSNI I HERCEGOVINI

DRŽAVNI REGISTAR AKREDITIRANIH VISOKOŠKOLSKIH USTANOVA
U BOSNI I HERCEGOVINI

ДРЖАВНИ РЕГИСТАР АКРЕДИТОВАНИХ ВИСОКОШКОЛСКИХ УСТАНОВА
У БОСНИ И ХЕРЦЕГОВИНИ

KNJIGA 1
KNJIGA 1
КЊИГА 1

UPUTSTVO ZA POPUNJAVANJE

1. U rubriku „REDNI BROJ UPISA“ upisuje se redni broj upisa u Knjigu 1 Državnog registra počevši od broja 001, pa dalje kako slijedi po rednim brojevima ne zaključujući Državni registrar na kraju kalendarske godine.
2. U rubriku „VISOKOŠKOLSKA USTANOVA“ upisuje se naziv, sjedište i adresa visokoškolske ustanove.
3. U rubriku „OBLIK VLASNIŠTVA“ upisuju se podaci o obliku vlasništva visokoškolske ustanove: javna, privatna, mješovita.
4. U rubriku „OSNIVANJE VISOKOŠKOLSKE USTANOVE“ upisuje se broj i datum akta o osnivanju visokoškolske ustanove i naziv tijela koje ga je donijelo.
5. U rubriku „AKREDITACIJA VISOKOŠKOLSKE USTANOVE“ upisuje se broj i datum pravosnažnog/konačnog rješenja o akreditaciji visokoškolske ustanove, naziv tijela koje je donijelo rješenje i period važenja akreditacije.
6. U rubriku „USKLADENOST RJEŠENJA O AKREDITACIJI S NORMAMA I KRITERIJIMA“ upisuje se broj i datum rješenja Agencije o ocjenjivanju usklađenosti rješenja o akreditaciji s normama i kriterijima iz člana 48. alineja 1) Okvirnog zakona o visokom obrazovanju u Bosni i Hercegovini.
7. U rubriku „ZATVARANJE VISOKOŠKOLSKE USTANOVE“ upisuje se broj i datum pravosnažnog/konačnog rješenja o zatvaranju visokoškolske ustanove i naziv tijela koje je donijelo rješenje.
8. U rubriku „NAPOMENA“ upisuju se napomene u vezi s navedenim podacima.

NAPUTAK ZA POPUNJAVANJE

1. U rubriku „REDNI BROJ UPISA“ upisuje se redni broj upisa u Knjigu 1 Državnog registra počevši od broja 001, pa dalje kako slijedi po rednim brojevima ne zaključujući Državni registrar na kraju kalendarske godine.
2. U rubriku „VISOKOŠKOLSKA USTANOVA“ upisuje se naziv, sjedište i adresa visokoškolske ustanove.
3. U rubriku „OBLIK VLASNIŠTVA“ upisuju se podaci o obliku vlasništva visokoškolske ustanove: javna, privatna, mješovita.
4. U rubriku „OSNIVANJE VISOKOŠKOLSKE USTANOVE“ upisuje se broj i datum akta o osnivanju visokoškolske ustanove i naziv tijela koje ga je donijelo.
5. U rubriku „AKREDITACIJA VISOKOŠKOLSKE USTANOVE“ upisuje se broj i datum pravomoćnog/konačnog rješenja o akreditaciji visokoškolske ustanove, naziv tijela koje je donijelo rješenje i period važenja akreditacije.
6. U rubriku „USKLADENOST RJEŠENJA O AKREDITACIJI S NORMAMA I KRITERIJIMA“ upisuje se broj i datum rješenja Agencije o ocjenjivanju usklađenosti rješenja o akreditaciji s normama i kriterijima iz članka 48. alineja 1) Okvirnog zakona o visokom obrazovanju u Bosni i Hercegovini.
7. U rubriku „ZATVARANJE VISOKOŠKOLSKE USTANOVE“ upisuje se broj i datum pravomoćnog/konačnog rješenja o zatvaranju visokoškolske ustanove i naziv tijela koje je donijelo rješenje.
8. U rubriku „NAPOMENA“ upisuju se napomene u vezi s navedenim podacima.

УПУТСТВО ЗА ПОПУЊАВАЊЕ

1. У рубрику „РЕДНИ БРОЈ УПИСА“ уписује се редни број уписа у Књигу 1 Државног регистра почевши од броја 001, па даље како сlijеди по редним бројевима не закључујући Државни регистар на крају календарске године.
2. У рубрику „ВИСОКОШКОЛСКА УСТАНОВА“ уписује се назив, сједиште и адреса високошколске установе.
3. У рубрику „ОБЛИК ВЛАСНИШТВА“ уписују се подаци о облику власништва високошколске установе: јавна, приватна, мјешовита.
4. У рубрику „ОСНИВАЊЕ ВИСОКОШКОЛСКЕ УСТАНОВЕ“ уписује се број и датум акта о оснивању високошколске установе и назив тијела које га је донијело.
5. У рубрику „АКРЕДИТАЦИЈА ВИСОКОШКОЛСКЕ УСТАНОВЕ“ уписује се број и датум правоснажног/коначног рјешења о акредитацији високошколске установе, назив тијела које је донијело рјешење и период важења акредитације.
6. У рубрику „УСКЛАЂЕНОСТ РЈЕШЕЊА О АКРЕДИТАЦИЈИ С НОРМАМА И КРИТЕРИЈУМИМА“ уписује се број и датум рјешења Агенције о оцјењивању усклађености рјешења о акредитацији с нормама и критеријумима из члана 48. алинеја 1) Оквирног закона о високом образовању у Босни и Херцеговини.
7. У рубрику „ЗАТВАРАЊЕ ВИСОКОШКОЛСКЕ УСТАНОВЕ“ уписује се број и датум правоснажног/коначног рјешења о затварању високошколске установе и назив тијела које је донијело рјешење.
8. У рубрику „НАПОМЕНА“ уписују се напомене у вези с наведеним подацима.

Redni broj upisa
Redni broj upisa
Редни број уписа _____

Knjiga 1 Str. 001
Knjiga Str.
Књига Стр.

Visokoškolska ustanova Visokoškolska ustanova Високошколска установа		Napomene Napomene Напомене
Naziv Naziv Назив		
Sjedište Sjedište Сједиште		
Adresa Adresa Адреса		
Oblik vlasništva Oblik vlasništva Облик власништва	<ul style="list-style-type: none">JAVNAJAVNAJAVNA <ul style="list-style-type: none">PRIVATNAPRIVATNAПРИВАТНА <ul style="list-style-type: none">MJEŠOVITAMJEŠOVITAМЈЕШОВИТА	

OSNIVANJE VISOKOŠKOLSKE USTANOVE OSNIVANJE VISOKOŠKOLSKE USTANOVE ОСНИВАЊЕ ВИСОКОШКОЛСКЕ УСТАНОВЕ	Broj i datum akta o osnivanju Broj i datum akta o osnivanju Број и датум акта о оснивању Naziv tijela koje je donijelo akt Naziv tijela koje je donijelo akt Назив тијела које је донијело акт		
AKREDITACIJA VISOKOŠKOLSKE USTANOVE AKREDITACIJA VISOKOŠKOLSKE USTANOVE АКРЕДИТАЦИЈА ВИСОКОШКОЛСКЕ УСТАНОВЕ	Broj i datum pravosnažnog/konačnog rješenja o akreditaciji Broj i datum pravomoćnog/konačnog rješenja o akreditaciji Број и датум правоснажног/коначног рјешења о акредитацији		
	Naziv tijela koje je donijelo rješenje Naziv tijela koje je donijelo rješenje Назив тијела које је донијело рјешење		
	Period važenja akreditacije Period važenja akreditacije Период важења акредитације		
	USKLAĐENOST RJEŠENJA O AKREDITACIJI S NORMAMA I KRITERIJIMA USKLAĐENOST RJEŠENJA O AKREDITACIJI S NORMAMA I KRITERIJIMA УСКЛАЂЕНОСТ РЈЕШЕЊА О АКРЕДИТАЦИЈИ С НОРМАМА И КРИТЕРИЈУМИМА	Broj i datum rješenja Agencije o ocjenjivanju uskladenosti Broj i datum rješenja Agencije o ocjenjivanju uskladenosti Број и датум рјешења Агенције о оцјењивању усклађености	
ZATVARANJE VISOKOŠKOLSKE USTANOVE ZATVARANJE VISOKOŠKOLSKE USTANOVE ЗАТВАРАЊЕ ВИСОКОШКОЛСКЕ УСТАНОВЕ	Broj i datum pravosnažnog/konačnog rješenja Broj i datum pravomoćnog/konačnog rješenja Број и датум правоснажног/коначног рјешења Naziv tijela koje je donijelo rješenje Naziv tijela koje je donijelo rješenje Назив тијела које је донијело рјешење		

BOSNA I HERCEGOVINA, AGENCIJA ZA RAZVOJ VISOKOG OBRAZOVANJA I OSIGURANJE KVALITETA
BOSNA I HERCEGOVINA, AGENCIJA ZA RAZVOJ VISOKOG OBRAZOVANJA I OSIGURANJE KVALITETE
БОСНА И ХЕРЦЕГОВИНА, АГЕНЦИЈА ЗА РАЗВОЈ ВИСОКОГ ОБРАЗОВАЊА И ОБЕЗБЕЂИВАЊЕ КВАЛИТЕТА

DRŽAVNI REGISTAR AKREDITIRANIH VISOKOŠKOLSKIH USTANOVA
U BOSNI I HERCEGOVINI

DRŽAVNI REGISTAR AKREDITIRANIH VISOKOŠKOLSKIH USTANOVA
U BOSNI I HERCEGOVINI

ДРЖАВНИ РЕГИСТАР АКРЕДИТОВАНИХ ВИСОКОШКОЛСКИХ УСТАНОВА
У БОСНИ И ХЕРЦЕГОВИНИ

KNJIGA 2
KNJIGA 2
КЊИГА 2

UPUTSTVO ZA POPUNJAVANJE

1. U rubriku „REDNI BROJ UPISA“ upisuje se redni broj upisa u Knjigu 2 Državnog registra počevši od broja 001, pa dalje kako slijedi po rednim brojevima ne zaključujući Državni registrar na kraju kalendarske godine, s pozivanjem na broj upisa iz prvog dijela Državnog registra (Knjiga 1).
2. U rubriku „VISOKOŠKOLSKA USTANOVA“ upisuje se naziv, sjedište i adresa visokoškolske ustanove koja izvodi studijski program.
3. U kolonu broj 1 upisuje se naziv studijskog programa.
4. U kolonu broj 2 upisuju se ciklus studija i radno opterećenje studijskog programa izraženo u ECTS bodovima
5. U kolonu broj 3 upisuju se broj i datum akta o usvajanju odnosno odobravanju izvođenja studijskog programa i naziv tijela koje ga je donijelo.
6. U kolonu broj 4 upisuju se broj i datum pravosnažnog/konačnog rješenja o akreditaciji studijskog programa i period važenja akreditacije.
7. U kolonu broj 5 upisuju se broj i datum rješenja Agencije o ocjenjivanju usklađenosti rješenja o akreditaciji s normama i kriterijima iz člana 48. alineja 1) Okvirnog zakona o visokom obrazovanju u Bosni i Hercegovini.
8. U kolonu broj 6 upisuju se broj i datum akta o prestanku izvođenja studijskog programa i naziv tijela koje ga je donijelo.
9. U kolonu broj 7 upisuju se napomene u vezi s navedenim podacima.

NAPUTAK ZA POPUNJAVANJE

1. U rubriku „REDNI BROJ UPISA“ upisuje se redni broj upisa u Knjigu 2 Državnog registra počevši od broja 001, pa dalje kako slijedi po rednim brojevima ne zaključujući Državni registrar na kraju kalendarske godine, s pozivanjem na broj upisa iz prvog dijela Državnog registra (Knjiga 1).
2. U rubriku „VISOKOŠKOLSKA USTANOVA“ upisuje se naziv, sjedište i adresa visokoškolske ustanove koja izvodi studijski program.
3. U kolonu broj 1 upisuje se naziv studijskog programa.
4. U kolonu broj 2 upisuju se ciklus studija i radno opterećenje studijskog programa izraženo u ECTS bodovima
5. U kolonu broj 3 upisuju se broj i datum akta o usvajanju odnosno odobravanju izvođenja studijskog programa i naziv tijela koje ga je donijelo.
6. U kolonu broj 4 upisuju se broj i datum pravomoćnog/konačnog rješenja o akreditaciji studijskog programa i period važenja akreditacije.
7. U kolonu broj 5 upisuju se broj i datum rješenja Agencije o ocjenjivanju usklađenosti rješenja o akreditaciji s normama i kriterijima iz članka 48. alineja 1) Okvirnog zakona o visokom obrazovanju u Bosni i Hercegovini.
8. U kolonu broj 6 upisuju se broj i datum akta o prestanku izvođenja studijskog programa i naziv tijela koje ga je donijelo.
9. U kolonu broj 7 upisuju se napomene u vezi s navedenim podacima.

УПУТСТВО ЗА ПОПУЊАВАЊЕ

1. У рубрику „РЕДНИ БРОЈ УПИСА“ уписује се редни број уписа у Књигу 2 Државног регистра почевши од броја 001, па даље како сlijеди по редним бројевима не закључујући Државни регистар на крају календарске године, с позивањем на број уписа из првог дијела Државног регистра (Књига 1).
2. У рубрику „ВИСОКОШКОЛСКА УСТАНОВА“ уписује се назив, сједиште и адреса високошколске установе која изводи студијски програм.
3. У колону број 1 уписује се назив студијског програма.
4. У колону број 2 уписују се циклус студија и радно оптерећење студијског програма изражено у ECTS бодовима
5. У колону број 3 уписују се број и датум акта о усвајању односно одобравању извођења студијског програма и назив тијела које га је донијело.
6. У колону број 4 уписују се број и датум правоснажног/коначног рјешења о акредитацији студијског програма и период важења акредитације.
7. У колону број 5 уписују се број и датум рјешења Агенције о оцјењивању усклађености рјешења о акредитацији с нормама и критеријумима из члана 48. алинеја 1) Оквирног закона о високом образовању у Босни и Херцеговини.
8. У колону број 6 уписују се број и датум акта о престанку извођења студијског програма и назив тијела које га је донијело.
9. У колону број 7 уписују се напомене у вези с наведеним подацима.

Knjiga 2
Knjiga 2
Књига 2

2

Str.
Str.
Ctp.

001

1

[illegible]